



**Святитель Иоанн Тобольский**

# **Акафист Святителю Иоанну, Митрополиту Тобольскому и всея Сибири Чудотворцу**

## **Кондак 1**

Избрáнному от Бога во святителя Църкви Правослáвныя, житиём своим и трудáми великими просветившему пáсты Черниговскую и Тобольскую, в земле Сибирстей прослáвленному чудотворцу, митрополиту Иоáнну, восписуем похвáльная. Ты же, святителю, сию похвалу от нас, грешных, прими и своєю молитвою сердца наши благодáтиєю Божиею согрей, да со умилением зовём ти:

Радуйся, Иоáнне, святителю и всея Сибири чудотворче.

## **Икос 1**

Ангелом радование был еси, святителю, егда со отрочества и юности усердно изучению молитв церковных и посещению храмов Божиих прилежал еси. Мы же, воспоминающе таковое твое житие, сие с любовью восхваляем тя:

Радуйся, страны Украинския прозябение.  
Радуйся, града Нежина чадо богоизбранное.  
Радуйся, родителем твоим утешение.  
Радуйся, близким твоим назидание.  
Радуйся, под сению обители Киево-Печерския воспитанный.  
Радуйся, от юности святой подвижникче.  
Радуйся, образ чистоты и целомудрия явивый.  
Радуйся, горняго отечества достигнути желавый.  
Радуйся, Иоáнне, святителю и всея Сибири чудотворче.

## **Кондак 2**

Видя, како христиане от заповедей Божиих отступают и делом тьмы работают, ты, преподобне, тщательно изучал еси слово Божие и, получив в Печерстей Лавре звание проповедника, сам, благодатию Божиею водимый, усердно поучал еси иноков и мирских людей по заповедям Божиим житием своим устроить и Богу взывать: Аллилуиа.

## **Икос 2**

Разум твой умудряя словесы Божественными, пребывая, по Апостолу, в них, ты, святителю, данную ти от Бога мудрость не скрывал еси в

себе, но, наставником школы духовных будучи, любовь к слову Божию в сердцах юношей возгревал еси и им же и пастырем посвящал еси назидательные во славу Божию своя творения. Восхваляюще твое великое трудолюбие, тако воспеваем ти:

Радуйся, неленостный учителю юношей.

Радуйся, словеса Божия в сердца их влагавый.

Радуйся, яко в твоём келейном уединении сна очима твоима и веждома твоима дремания не давал еси.

Радуйся, яко молитве и писанию творений твоих ночные часы посвящал еси.

Радуйся, яко молитве Иисусовой обучался еси.

Радуйся, яко благодатных озарений сподобился еси.

Радуйся, ангелом собеседниче.

Радуйся, преподобным сожителю.

Радуйся, Иоанне, святителю и всея Сибири чудотворче.

### Кондак 3

Сила благодати Божией присуща бе тебе, святче Божий, и вси зряще твое подвижническое житие и твоим сладостным поучением внимающе, радовахуся и восхваляюще Господа, давшаго Тебе таковая дарования, воспеваху Ему: Аллилуиа.

### Икос 3

Имея от Господа дар богословствования, ты, Божий угодниче, своими назидательными трудами мудро опровергал еси латинские заблуждения и мирян в своих поучениях научал еси твердо уклоняться от католических прелестей. За такую-то мудрую борьбу твою с католическим зловерием восхваляем тя тако:

Радуйся, яко истины веры православных разъяснял еси.

Радуйся, яко светом православия ярко светил еси.

Радуйся, святителю, яко в сердце твоём духовные нужды чад твоих носил еси.

Радуйся, яко твоими писаниями богословскими сердца православных умилял еси.

Радуйся, яко в опровержение латинской ереси zelo потрудился еси.

Радуйся, латинских ересей и обычаев нещадный обличителю.

Радуйся, яко великим трудом о Божественном мироуправлении южнорусский край обогатил еси.

Радуйся, Иоанне, святителю и всея Сибири чудотворче.

#### Кондак 4

Бўрю великих смущений во иноческом от юности звании претерпел еси, преподобне. Непрестанною же молитвою, постом, всенощным бодрствованием, Псалтири чтением побеждал еси вся козни вражия, и Господу, даровавшему ти победу над страстями и искушениями, зывал еси: Аллилуиа.

#### Икос 4

Слушающе поучения твоя, читающе благоглаголивые писания твоя, также житие твое видяще, иноцы Лавры Печерския и вси вернии люди тако восхваляху тя:

Радуйся, изрядный проповедниче.

Радуйся, покаяния учителю.

Радуйся, мудрый обличителю людских пороков и страстей.

Радуйся, проповедниче любви Христовой.

Радуйся, к бедным и нищим любовь пробуждавый.

Радуйся, твоим нищелюбием добрый образ всем показавый.

Радуйся, верный Церкви Православныя служителю.

Радуйся, христианскаго смирения добрый учителю.

Радуйся, Иоанне, святителю и всея Сибири чудотворче.

#### Кондак 5

О богоугодном житии твоём слышав и народной молве о твоём назидательном проповедничестве внимая, святитель Черниговский Феодосий восхотел тя, преподобне, к своему архиерейскому престолу приблизити и содела тя начальником Елецкой обители и в сан архимандрита возведет, да будеши и zde, в Чернигове, добрым изъяснителем слова Божия и со всеми иноками обители усердно Господу воспевати да будеши: Аллилуиа.

#### Икос 5

Увидевши твое назидательное житие и твоими поучениями наслаждавшиися, обитатели града Чернигова всею душею тя, святителю, возлюбивша и по блаженной кончине святителя Феодосия единократно восхотеша тя приемником почившаго в Бозе святителя видети, и Святейший Патриарх Адриан, признавши тя достойным, содела тя архиепископом Черниговским. Мы же, прославляя Господа, соделавшаго тя ангелом Черниговския Церкви, тако тя ублажаем:

Радуйся, яко чуднаго святителя Феодосия пастырскую работу продолжал еси.

Радуйся, яко в сердце твоём светлый образ святителя Феодосия вы́ну имёл еси́.

Радуйся, яко в смертней болѣзни твоѣй у того же святителя благодатной помощи просил еси́.

Радуйся, яко святитель Феодосий своим предстательством у престо́ла Господня от одра болѣзни ты возста́ви.

Радуйся, яко по повелѣнию того же святителя Божественную Литургию в полном здравии совершил еси́.

Радуйся, яко в народе веру во свято́сть святителя Феодосия утверди́л еси́.

Радуйся, яко лик его при гробѣ начертал еси́.

Радуйся, яко сла́вныя дела́ Господни прославля́л еси́.

Радуйся, Иоанне, святителю и всея Сиби́ри чудотво́рче.

### Кондак 6

Проповѣдником жи́зни ева́нгельской сло́вом и де́лом яви́лся еси́, святителю, егда́ архиере́йское служѣние во гра́де Черни́гове проходил еси́, и вси твои́ духо́вныя ча́да в тебѣ вели́каго моли́твенника, до́браго наставника и му́драго архипа́стыря видѣша и благодарно о тебѣ Го́споду взыва́ху: Аллилу́иа.

### Икос 6

Воссия́л еси́, святителю, в Черни́гове твоими́ неуста́нными во сла́ву Христа́ труда́ми. Ибо усердно с вели́ким уи́лѣнием соверша́л еси́ служ́бы церковныя и си́ми служ́бами и поучѣ́ными твоими́ привлека́л еси́ в хра́мы Бо́жии моля́щихся мно́жество, и се́го ра́ди от твои́х чад духо́вных слы́шал еси́ похвалы́ таковы́я:

Радуйся, па́стырю наш добрый.

Радуйся, учи́телю златосло́весный.

Радуйся, яко но́выя хра́мы и иноческия оби́тели в твоѣй о́бласти воздвигал еси́.

Радуйся, яко и па́стырей учи́тельных поставля́л еси́.

Радуйся, яко неради́вых па́стырей и иноков обли́чал еси́.

Радуйся, уста́вов церковных блюсти́телю.

Радуйся, яко о вдо́вах и сирóтах душе́ю болѣл еси́.

Радуйся, яко ми́лостынею нищих оби́льно снабжа́л еси́.

Радуйся, Иоанне, святителю и всея Сиби́ри чудотво́рче.

## Кондак 7

Хотя житіе своё устроить по заповедям Божиим ты, святителю Иоанне, всеятой воле Божественной вседушно покорялся еси и клевету и неправду, воздвигнутые на тя злыми людьми, с терпением и благодарностью к Богу понесл еси, и Господу, давшему тебе благодатный дар терпения в скорбех твоих, зывал еси радостно: Аллилуиа.

## Икос 7

Дивное послушание премудрой и всеятой воле Божественной явил еси, святителю, егда церковным священноначалием вызван был еси из благодатныя солнечныя земли Черниговския на дальний север служити Церкви Христовой в звании митрополита Тобольскаго и всея Сибири. Паства же Черниговская с велиею печалию приявши весть о твоём преселении в хладную Сибирь, разлучаясь с тобою, тако восклицала ти:

Радуйся, послушный Господу рабе Христов.  
Радуйся, архипастырю наш возлюбленный.  
Радуйся, в назидание нам твои мудрыя творения оставивый.  
Радуйся, строгий иноческих обетов исполнителю.  
Радуйся, детей наших воспитателю.  
Радуйся, красот церковная.  
Радуйся, велий во святителех.  
Радуйся, Иоанне, святителю и всея Сибири чудотворче.

## Кондак 8

Странно бе видети, како ты, святителю Иоанне, в престарелых летех страну Украинскую, в ней же родился еси и до старости Господу работал еси, оставляеши и в неизвестную тебе страну Сибирскую грядеши. Ты же, святителю, видя слезы твоя паствы Черниговския, твоим бодрым духом учил еси твоих чад духовных во всех путех жизни быти послушным воле Божией и за вся Господу воспевати: Аллилуиа.

## Икос 8

Весь живя в Господе, ты, святителю Иоанне, с светлым упованием на помощь Божию долгим путем к своей новой пастве прибыл еси. В Сибири же твоя паства, со умилением взирая на светлый лик старца праведнаго, сретает своего новаго архипастыря восклицаниями таковыми:

Радуйся, яко долготы пути к нам не убоялся еси.  
Радуйся, яко старческую мудрость духовную в наш град принесл еси.  
Радуйся, новый руководителю наш к Небесному Царству.

Радуйся, мѹдрый наставниче.  
Радуйся, яко на конец жития твоего к нам прибыл еси.  
Радуйся, старче праведный.  
Радуйся, грядый к нам во имя Господне.  
Радуйся, яко мы с любовью сретѹем тебѹ.  
Радуйся, Иоанне, святителю и всея Сибири чудотворче.

### Кондак 9

Всякое житейское попечѣние отлагая, ты, преподобне отче наш, и в новом твоѹм граде рукою твоею достигал до жилищ бедных и обиженных, утешая скорбящих, снабжая вдов и сирот, благотворя и нисходя, радости исполнял еси сердца неимущих, иже от благодарнаго сердца своего восклицѹху Господу: Аллилуиа.

### Икос 9

Витийствующий язык не может обрести слов достойных к изображению твоих добрых подвигов, иже во славу Божию совершил еси, тобольский святителю, среди твоея новыя паствы. Духовныя же чада твоя, видяще, что ты в старческих лѣтах духовную юность являеши, уразумеша в тебѹ новыи сосѹд благодати Божией и возсылающе благодарѣние Господу за дарованіе их стране таковаго светильника, радостно восхваляху ти:

Радуйся, в молитве пламенный.  
Радуйся, в службах церковных ангел во плоти.  
Радуйся, смиреніем Христовым богатый.  
Радуйся, дивный безсребрениче.  
Радуйся, чистоты сердечныя хранителю.  
Радуйся, миротворче чудный.  
Радуйся, весей и градов Сибирских радости.  
Радуйся, иноков учителю.  
Радуйся, Иоанне, святителю и всея Сибири чудотворче.

### Кондак 10

Спасенію духовных чад твоих усердно работая, ты, святителю Божий, и о иных овцах, иже не от двора церковнаго, велие попечѣние имѣл еси, добрых пастырей во тьме язычестей сидящим людем посылал еси, да и во Христа неверующие научатся воспевать песнь хвалебную Богу: Аллилуиа.

## Икос 10

Стеною крѣпкою во исповѣданіи вѣры правосла́вныя был еси́, всея Сиби́ри чудотво́рче, и в твои́х златословѣсных поучѣніях изъясня́л еси́ па́стве твоей истины еди́ныя Христо́выя Апосто́льскія Церкве и с любо́вию увещева́л еси́ твои́х чад духо́вных, да ни в ма́лом чем отступа́ют от вѣры правосла́вныя и по церко́вному учѣнію жити́е своѣ да устроят. И сам ты, святителю, на свѣщнице церко́вной поста́вленный, и в сло́ве и в дѣле свет Ева́нгелія Христо́ва все́й твоѣ́й па́стве явля́л еси́, и паства твоя, храня́ веру правосла́вную и жити́е по вѣре устроя́я, со умилѣніем та́ко зыва́ше ти:

Радуйся, твёрдый носителю правосла́внаго исповѣданія.  
Радуйся, усёрдный ревнителю благоче́стія.  
Радуйся, па́стырю незло́бивый и трудолюбивый.  
Радуйся, яко шу́йца твоя не ве́деше, я́же творя́ше десница твоя.  
Радуйся, да́нные тебѣ от Бо́га талáнты усугубивый.  
Радуйся, в ра́дость Господа твоего́ вше́дый.  
Радуйся, до́брыми делами твоими́ Отца Небѣснаго просла́вивый.  
Радуйся, Иоáнне, святителю и всея Сиби́ри чудотво́рче.

## Кондак 11

Пѣние похва́льное приими́ от нас, наш до́брый па́стырю и учителю. Вѣну в уме и сѣрдце твоѣм па́мьять смѣртную нося́, ты, святителю, непреста́нно ду́шу твою́ к пути невозвратному приуготовля́л еси́, да со свѣтлым лицѣм предста́неша пред лице́ нелицеприятнаго Судии и Го́спода и со все́ми святы́ми сподоби́шися во ве́ки воспевáти всеблагóму Спасителю: Аллилу́иа.

## Икос 11

Свѣтло возсия́л тво́й дивный образ, святителю Иоáнне, егда́ Господь возва́ тя в Свои небѣсныя обители. По совершѣнии Божѣственной Литургии ты, святителю, на твою́ трапѣзу призва́л еси́ и сослуживших тебѣ и бѣдных, сам, не вкуша́я пи́щи, усѣрдно предлага́л угото́ванное. Скончавшейся же трапѣзе удали́лся еси́ во свою́ моли́твенную кѣлию и, подобно святителю Ростóвскому Димітрию, в ту же ночь, склонившись пред ико́ною Богома́тери, предал чистую ду́шу твою́ Го́сподеву. умиля́ясь таковою́ твоѣю христіа́нскою кончи́ною, сибі́рская па́ства твоя́ со слезáми возопи́ ти тако́вую проща́льную пѣснь:

Радуйся, незабвѣнный па́стырю наш, на па́жкити словѣс Божѣственных о́вцы твоя́ пасы́й.



Радуйся, святителю наш, христіанскою кончіною твоєю святость житія твоего ясно всем показавый.

Радуйся, усердный проповедниче, уста своя на земли замкнувый, да вечно ими на небеси прославляти Господа сподобишися.

Радуйся, великий нищелюбче, сокровища твоя Господу чрез нищих вручивый.

Радуйся, неленостный составителю трудов богословских, ныне очима твоима Святыю Троицу созерцаый.

Радуйся, мудрый учителю пастырей и юношей, в третьем небеси неизреченным глаголам внимаый.

Радуйся, языки Сибири в Христову Церковь приведи, в радость Господа вшедый.

Радуйся, под покровом Богоматери все житие прошедый и благодатную кончину пред Ея образом сподобивыйся получитьи.

Радуйся, Иоанне, святителю и всея Сибири чудотворче.

## Кондак 12

Благодать Божию, в тебе, святителю Божий, почивающу, мы ясно зрим; взирающе на честныя мощи твоя, поклоняющесе им и праздник твой светле празднующе, мы усердно благодарим Господа, таковую милость Сибирскому краю и всему нашему отечеству явившаго. Ты же, великий сибирский чудотворче, прими от нас, недостойных, похвалы сия и испроси нам у Господа сил твоему житию подражати и от всего сердца воспевати нашему Спасителю небесную песнь: Аллилуиа.

## Икос 12

Поюще твое светлое житие, святительския труды твоя воспоминающе, радуемся, яко Господь Бог в наше утешение сохранит тело твое нетленным и даром чудес обогатит, и молим тя, святителю и всея Сибири чудотворче Иоанне, испроси у Господа нам, грешным, желание и силы Его спасительные заповеди исполняти, да прославляем и мы своею жизнью имя Отца нашего Небеснаго, тебе же, теплаго молитвенника нашего, восхваляти тако да будем:

Радуйся, яко честными твоими мощами в соборном храме града Тобольска почиваеши.

Радуйся, от святых твоих мощей обильно исцеления подаваяй.

Радуйся, врачу безмездный, целбниче благосострадательный.

Радуйся, от многообразных недугов исцеляяй.

Радуйся, в сонных видениях немощным являяйся.

Радуйся, града Тобольска и всея Сибири утверждение.

Радуйся, богохранимому отечеству нашему великий моли́твенниче.  
Радуйся, Ио́анне, святителю и всея Сиби́ри чудотворче.

### Кондак 13

О великий всея Сиби́ри чудотворче, святителю Тобольский Ио́анне! Приими́ сие похва́льное пение от нас, любящих тя недостойных раб твоих, и испроси́ нам от Го́спода и Спасителя́ нашего благодатной по́мощи в нашем со страстьми и похотьми борении, да обновляеми чистым покаянием, обрящем добрую христианскую кончину и отве́т добрый дадим на Страшнем суди́щи Христо́вом и во веки с тобою и все́ми святы́ми воспевати́ будем Творцу́ и Промыслителю́ нашему, Триединому́ Бо́гу, вѣчную ра́достную песнь: Аллилу́иа.

*Сей Кондак глаголи трижды и паки Икос 1 и Кондак 1.*

#### Молитва святителю Иоанну, Митрополиту Тобольскому и всея Сибири чудотворцу

О великий сиби́рский чудотворче святителю Ио́анне! Со смиренным се́рдцем и душе́ю умиленною, приносим мы, грешнии, свои моли́твы тебе́, нашему́ отцу́ и моли́твеннику. Виждь, святителю, яко беззакония наша превзыдо́ша главу́ нашу, и несть у нас спасения наде́жды.

Помози нам, всея́ Сиби́ри чудотворче, от грехо́в наших изба́виться. Моли Го́спода и Спасителя́ нашего, да благодатию Своёю возгреет Он в се́рдцах наших твёрдую ве́ру во вся истины́ нашей Це́ркви правосла́вныя, да не появится в душа́х наших лука́вых колеба́ний и сомне́ний в благотво́рности и спасительности всех за́поведей Бо́жиих. А бра́тий наших, иже по малоду́шию отступи́ша от Це́ркви Христо́вой, или рабо́тающе своим страсте́м, погуби́ша в себе́ ве́ру во спасительность та́инств Це́рковных, да при́имет Го́сподь чрез добро́е покаяние па́ки на лоно́ Це́ркви Правосла́вныя.

Ей, уго́днице Бо́жий, моли́ся за всех нас, и за все отечество́ наше, да изба́вит нас Го́сподь от гла́да, губи́тельства и наипа́че от нашѣствия иноплеме́нников, да пребыва́я в ми́ре и ти́шине и в уго́ждении Го́споду Бо́гу, мы, последу́юще твоему́ свято́му жити́ю, своёю добро́ю христиа́нскою жи́знию просла́вим нашего Го́спода и вѣчное спасе́ние получи́м по мило́сти нашего Спасителя́. Ему́ же подоба́ет сла́ва, честь и поклонение во ве́ки веко́в. Ами́нь.



**Св. первомученик архидиакон Стефан.  
Греческая икона**